

Kuzunda Kampenda Kakulimvwa Bubi

1 AMUKAZYIBE KAMPENDA

Ino nkampenda nzi kamukatazya kapati?



KUNYEMA

BUZUBA

MFWUNDIILILI



KUKOPANA MUMIZEEZO

KUYOOWA

KULIBILIKA



KUTYOMPWA

KULIMVWA BUBI

KUUSA



KAMBI BUYO:

2 AMUZYIBE CIPA KULIMVWA BOOBO

Mubukkale buli buti nomukatazyigwa akampenda nkomwaamba?

“Kutegwa ndilimvwe kabotu, ndilasola kusaanguna kulilanga-langa. Ndilalibuzya mibuzyo mbuli yakuti, ‘Ino ndilimvwa buti lino? Nkaambo nzi ncondilimvwa boobu? Sena kulimvwa boobu kuli kabotu? Sena ndaciindizya? Sena kuli boobu makani mapati? Ino inga ndayeeya nzi ikuti umwi kalimvwide mbuli mbondilimvwide lino? Ino Jehova uyanda kuti ndicite nzi mubukkale oobu?’ Kuyeeya munzila ili boobu kupa kuti nditaciindizi kulimvwa bubi.”—Olivia.


3 AMULEMBULULE

Amulembe ciindi nomwakakatazyidwe akampenda aako.

Ino mwakacita buti cakapa kuti mulimvwe kabotu mubukkale mbomwaamba atala aawa?

4 AMUSALE LUGWALO

Ndugwalo nzi lukonzya kumugwasya kulimwya kabotu?



IKUTI NAA MWANYEMA, KUFWA BUZUBA, NAA KUFWUNDILILA

- Tusimpi 14:29** “Ooyo uuta-fwambaani kunyema musongo kapati, pele ooyo utakkaziki moyo utondezya bufwubafwuba bwakwe.”
- Tusimpi 29:11** “Mufwubafwuba ulatondezya bukali boonse buli mumoyo wakwe, pele musongo ulakkazika moyo alimwi ulalijata.”
- Tusimpi 29:22** “Muntu mukali ubusya mazwanga; muntu uuli woonse uunyema-nyema buyo ucita zinyonyoona zinji.”
- Baefeso 4:31, 32** “Amuzisowe zintu zyoonse eezyi, kulutila, bukali, kunyema, kubwenta alimwi amajwi aakusampaula antoomwe abubi buli boonse. Pele amufwidilane luzyalo, mube amoyo mutete walubumba, akulekelelana camoyo woonse mbubonya awalo Leza muli Kristo mbwaakamulekelela camoyo woonse.”
- Jakobo 1:19, 20** “Muntu woonse weelede kufwambana kuswiilila, kumuka kwaambaula, kumuka kukalala, nkaambo bukali bwamuntu tabuleti bululami bwa Leza.”



IKUTI NAA MWALIBILIKA NAA KU-YOOWA

- Isaya 41:10** “Utalibiliki pe, nkaambo ndime Leza wako. Ndilakuyumya, inzya ndilakugwasya, ncobeni ndinookujatilide ajanza lyangu lyalulyo lyabululami.”
- Matayo 6:34** “Aboobo mutanoobiliki zyabuzuba butobela, nkaambo buzuba butobela bunoojisi zakulibilika zyambubo. Buzuba bumwi abumwi bulijisi mapenzi aambubo aakkwene.”
- Bafilipi 4:6, 7** “Mutalibiliki acintu nociba comwe, pele muzintu zyoonse, kwiinda mupailo akukombelezya antoomwe akulumba, amumuziyibye Leza nzyomulomba; eelyo lumuno lwa Leza oolo lwiinda maano oonse luyookwabilila myoyo yanu amizeezo yanu kwiinda muli Kristo Jesu.”
- 1 Petro 5:7** ‘Kamuwaala makatazayo aanu oonse kuli Jehova, nkaambo ulamubikkila maano.’



IKUTI NAA MWATYOMPWA NAA KUUSA

- Intembauzyo 34:18** “Jehova ulaafwaafwi abaabo batyompedwe mumoyo; aabo bapengede mumizeezo ulabafwutula.”
- Intembauzyo 46:1** “Leza mayubilo eesu alimwi ninguzu zyesu, mugwasyi ngotukonzya kujana lyoonse muziindi zyamapenzi.”
- Ciyubunuzyo 21:4** “[Jehova] uyoosindula misozi yoonse kumeso aabo, alimwi lufwu talukabi limbi, akwalo koomoka, kulila nokuba kucisa takukabi limbi pe. Zintu ziyakaindi zyamana.”

IKUTI NAA:



(Amulembe kampenda kataambwa atala aawa.)

Ndugwalo nzi lukonzya kumugwasya kulimwya kabotu?



5 AMULIBIKILE MBAAKANI

Cakusaanguna, amudulowe busyu bwamuntu uujisi kampenda kakatazaya kuzunda. Mpoonya, mudulowe uulibonya mbomuyanda.



Cabili, amulembe ntaamu njomutiibweze kutegwa musike ambaakani yanu.

Ciindi ciboola ndaakulimwa boobu:

Muciindi caku:

Ndiyoo: